



Grad Sarajevo
City of Sarajevo

Broj: 01-08-Gp-6-1/24
Sarajevo, 03.04.2024. godine

GRAD SARAJEVO
GRADSKO VIJEĆE
Administrativna komisija

n/r predsjedavajućeg, gosp. Ademović Jasmin

PREDMET: Obavijest o stanju predmeta – objekta Upravne zgrade DPO

Poštovani gospodine Ademović,

Administrativna komisija Gradskog vijeća Grada Sarajevo je na 41. sjednici održanoj dana 31.03.2023. godine pod tačkom 7. – Razmatranje nacрта Sporazuma o predaji u posjed nekretnine-objekta Upravne zgrade DPO usvojila Zaključak kojim je naloženo Pravobranilaštvu Grada Sarajevo da izradi nacrt sporazuma u pogledu predaje u posjed nekretnine - objekta Upravne zgrade DPO. Po usaglašavanju konačnog teksta sporazuma, isti je od strane gradonačelnice upućen Vladi Federacije radi zaključenja.

Služba za zajedničke poslove organa i tijela Federacije Bosne i Hercegovine je dana 04.01.2024. godine, Gradu Sarajevo dostavila Zaključak Vlade Federacije BiH od dana 22.12.2023. godine koji je je donesen po razmatranju dostavljenog nacрта Sporazuma. Navedenim Zaključkom zadužuje se Služba za zajedničke poslove organa i tijela Federacije Bosne i Hercegovine da Gradu Sarajevo i Parlamentu Federacije BiH predloži da zajednički iznađu rješenje i postignu dogovor oko nastavka korištenja prostorija u objektu Upravne zgrade DPO, do okončanja postupka po žalbi.

DOKAZ: - Akt Službe za zajedničke poslove organa i tijela Federacije Bosne i Hercegovine od dana 04.01.2024. godine sa Zaključkom Vlade F BiH od dana 22.12.2023. g.

Obzirom na navedeno, predloženi Sporazum u pogledu predaje u posjed nekretnine-objekat Upravne zgrade DPO nije zaključen, niti su poduzete bilo koje druge aktivnosti u pogledu predaje u posjed dijela objekta upravna zgrade DPO Gradu Sarajevo od strane Službe za zajedničke poslove organa i tijela Federacije Bosne i Hercegovine

O svemu prethodno navedenom, Pravobranilaštva Grada Sarajevo je Administrativnu komisiju Gradskog vijeća i Gradsko vijeće informisalo dopisom od dana 15.01.2024. godine, a koja informacija je na 35. sjednici Gradskog vijeća Grada Sarajevo održanoj dana 24.01.2024. godine primljena k znanju.

Adresa: Hamdije Kreševljakovića 3
71 000 Sarajevo

Tel.: +387 33 206 440


Fax: +387 33 206 440

Email: pravobranilastvo@sarajevo.ba

Web: www.sarajevo.ba



Bosna i Hercegovina
Federacija Bosne i Hercegovine
Kanton Sarajevo
Grad Sarajevo
PRAVOBRANILAŠTVO



Pravobranilaštvo Grada Sarajevo je dana 10.01.2024. godine Kantonalnom sudu u Sarajevu uputilo urgenciju radi prioritnog rješavanja po predmetnoj žalbi.

Rješavajući po navedenom zahtjevu za hitno postupanje u predmetu, predsjednik Kantonalnog suda u Sarajevu je dana 04.03.2024. godine donio akt br. 009-0-Su-24-000036 kojim je odobreno da se navedeni predmet tretira kao hitan, te je isti dostavljen postupajućem sudiji u rad.

DOKAZ: - Molba/Urgencija za prioritnim odlučivanje od 10.01.2024. g.
- Akt predsjednika Kantonalnog u Sarajevu 009-0-Su-24-000036 od 04.03.2024. g.

Postupajući po žalbi Pravobranilaštva Bosne i Hercegovine protiv Rješenja Zemljišno-knjižnog ureda Općinskog suda u Sarajevu, Kantonalni sud u Sarajevu je dana 14.03.2024. godine donio Rješenjem kojim je odbijena žalba Pravobranilaštva Bosne i Hercegovine i potvrđeno prvostepeno Rješenje Zemljišno-knjižnog ureda Općinskog suda u Sarajevu kojim je Grad Sarajevo upisan kao vlasnik objekta upravne zgrade DPO.

Temeljem navedenog Rješenja Kantonalnog suda u Sarajevu, Rješenjem Zemljišno-knjižnog ureda Općinskog suda u Sarajevu određeno je da je predmetni objekat vlasništvo Grada Sarajevo sa udjelom 1/1, te je izvršeno brisanje zabilježbe podnesene žalbe Pravobranilaštva Bosne i Hercegovine. Navedena Rješenja Pravobranilaštvu Grada Sarajevo su dostavljena dana 02.04.2024. godine.

DOKAZ: - Rješenje Kantonalnog suda u Sarajevu br. 09 0 Dn 043604 23 Gž od 14.03.2024. g.
- Rješenje Zemljišno-knjižnog ureda Općinskog suda u Sarajevu br. 065-0-DN-22-045 131 od 26.03.2024. godine.

Uzimajući u obzir sve navedeno, Pravobranilaštvo Grada Sarajevo konstatuje da je postupak po žalbi okončan čime je Rješenje o upisa Grada Sarajevo kao vlasnika objekta upravne zgrade DPO postalo **pravosnažno**.

O svemu navedenom Pravobranilaštvo Grada Sarajevo će obavijestiti Vladu Federacije Bosne i Hercegovine, kao i Službu za zajedničke poslove organa i tijela Federacije Bosne i Hercegovine koju će pozvati na predaju u posjed prostorija koje su vlasništvo Grada Sarajevo, a kako je utvrđeno izrađenim planom optimalnog smještaja.

S poštovanjem,

DOSTAVITI:

- Naslovu,
- Gradonačelnica,
- U spis.





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

PRAVOBRANILAŠTVO

Broj: **01-08-P-2-1/23**
Sarajevo, 10.01.2024. godine

KANTONALNI SUD
SARAJEVO
Šenoina br. 1, 71000 Sarajevo

Vaš broj: **09 0 Dn 45131 22 Gž**

n/r predsjednika Suda

PREDMET: Molba/urgencija Grada Sarajevo za prioriternim odlučivanjem

Poštovani gospodine Špoljarić,

U Zemljišno-knjižnom uredu Općinskog suda u Sarajevu u K.O. SP Sarajevo mahala CXXIX zk. ulošku broj 28 upisana je nekretnina k.č. 78, dok je u K.O. SP Sarajevo mahala CXXIX zk. ulošku broj 126 upisana nekretnina k.č. 43, k.č. 73 i k.č. 32, označene kao Upravna zgrada DPO, dvorište, pristupni put, park i parking.

Kod Kantonalnog suda u Sarajevu formiran je predmet broj 09 0 Dn 45131 22 Gž po žalbi izjavljenoj od strane Pravobranilaštva Bosne i Hercegovine na Rješenje Zemljišno knjižnog ureda broj: 065-0-DN-22-045131 od 22.09.2022. godine kojim je Grad Sarajevo, a na osnovu Ugovora o prenosu prava vlasništva i posjeda bez naknade broj: OPU-IP: 670/2022 od 10.08.2022. godine, uknjižen sa pravom vlasništva na predmetnim nekretninama.

Predmetna nekretnina Upravna zgrada DPO predstavlja staturano sjedište Grada Sarajevo, (Gradskog vijeća Grada Sarajevo i Pravobranilaštva Grada Sarajevo) od njegovog osnivanja tačnije uvođenja u pravni i ustavni sistem BiH Amandmanom I na Ustav Kantona Sarajevo (04.09.1997. godine - „Sl.novine Kantona Sarajevo“, broj: 16/97) kao novog pravnog subjekat, ali tek kao jedinica lokalane samouprave u Kantonu Sarajevo, pored već konstituisanih općina Kanton Sarajevo, odnosno statutarnom odlukom iz mjeseca juna 1998. godine (17.06.1998.-, „Sl.novine Kantona Sarajevo“, broj: 12/98), što je praktično dan od kada ovaj pravi subjekat postoji u pravnom sistemu BiH, pa time i u Kantonu Sarajevo.

Prostor unutar Upravne zgrade DPO trenutno, pored Grada Sarajevo, koristi i Parlament FBiH, kao i njegove prateće službe. Vlada Federacije BiH na 23. sjednici održanoj dana 22.12.2023. godine je donijela Zaključak V. broj: 1957/2023 kojim sugeriše na zajedničko rješenje i dogovor oko nastavka korištenja prostora u Upravnoj zgradi DPO između Grada Sarajevo i Parlamenta FBiH do okončanja postupka po žalbi.

Kako je od dana zaprimanja predmeta broj 09 0 Dn 045131 22 Gž kod Kantonalnog suda u Sarajevu protekao duži vremenski period, a posebno uzimajući u obzir Zaključak Vlade Federacije BiH V. broj: 1957/2023 od 22.12.2023. godine, koristimo priliku da Vam se obratimo da dozvolite

Adresa: Hamdije Kreševljakovića 3
71000 Sarajevo, BiH
Tel: +387 33 206 440
Fax: +387 33 206 440
Email: pravobranilastvo@sarajevo.ba
Web: www.sarajevo.ba



prioritetno uzimanje predmeta u rad i hitno odlučivanju po istom, jer je riječ objektu izuzetnog značaja i vrijednosti, ali ujedno i pravnog slučaja za koji Grad Sarajevo, te je od značaja radi rješavanja međusobnih odnosa između Federalnog parlamenta i Grada Sarajevo.

Pravobranilaštvo Grada Sarajevo, kao zakonski zastupnik Grada Sarajevo srdačno Vam se zahvaljuje na pozitivnom odlučivanju u vezi naše molbe/urgencije.

S poštovanjem,


Prilog:

- fco. Zaključak Vlade Federacije BiH V.broj: 1957/2023 od 22.12.2023. godine;

DOSTAVITI:

- Naslovu,

EU spis.



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 009-0-SU-24-000036
Sarajevo, 04.03.2024. godine

Bosna i Hercegovina
Kanton Sarajevo
PRAVOBRANILAŠTVO


| | |
|------------|-------------|
| PREMLIK | 05.03.2024. |
| OD VLAŠTAN | |
| POSREDOVAČ | |

GRAD SARAJEVO
PRAVOBRANILAŠTVO


71000 SARAJEVO
Ul. Hamdije Kreševljakovića 3

Povodom Vašeg zahtjeva od 10.01.2024. godine, za hitno postupanje u predmetu ovoga suda broj 09 0 Dn 043604 23 GŽ, a nakon prethodno pribavljenog mišljenja predsjednika Građanskog odjeljenja ovoga suda, na osnovu odredbe iz člana 55. Pravilnika o unutrašnjem sudskom poslovanju, ovim putem Vas obavještavam da je odobreno da se navedeni predmet tretira kao hitan i isti će biti dostavljen u rad postupajućem sudiji.

Predsjednik suda
Vladimir Špoljarić



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 09 o Dn 043604 23 Gž
Sarajevo, 14. mart 2024. godine



Kantonalni sud u Sarajevu, u vijeću sastavljenom od sudija: Nađa Seferović, kao predsjednik vijeća, Edina Kršlak i Edin Bičo, kao članova vijeća, u zemljišnoknjižnom predmetu predlagatelja GRAD SARAJEVO, zastupan po Pravobranilaštvu Grada Sarajeva, ulica Ćemaluša broj 3, radi uknjižbe prava vlasništva, odlučujući o žalbi Bosne i Hercegovine, zastupane po Pravobranilaštvu BiH, ulica Džemala Bijedića broj 39, izjavljenoj protiv rješenja Zemljišnoknjižnog ureda Općinskog suda u Sarajevu, broj 065-0-DN-22-045 131 od 22.09.2022. godine, u sjednici vijeća održanoj dana 14.03.2024. godine, donio je sljedeće:

RJEŠENJE

Žalba se odbija kao neosnovana i prvostepeno rješenje potvrđuje.

Obrazloženje

Prvostepenim rješenjem na osnovu otpravka izvornika Ugovora o prenosu prava vlasništva i posjeda bez naknade, obrađenog od strane notara Kapidžić Nedžad sa službenim sjedištem u Sarajevu pod brojem: OPU-IP: 670/2022 od 10.08.2022 godine dozvoljava se uknjižba prava vlasništva u koloni Upisi B lista zk.ul.br 28 KO SP_SARAJEVO - MAHALA CXXIX, na nekretninama u A listu označenim kao k.č.br. 78 UPRAVNE ZGRADE DPO, DVORIŠTE, UPRAVNA ZGRADA, površine 1065 m², DVORIŠTE površine 1048 m², ukupne površine 2113 m², dosadašnje vlasništvo prenosioca Zavod za izgradnju Kantona Sarajevo sa dijelom od 1/1, u korist GRAD SARAJEVO, ulica Hamdije Kreševljakovića broj 3, Sarajevo, sa 1/1 (stav 1), kao i uknjižba prava vlasništva u koloni Upisi B lista zk.ul.br. 126 KO SP_SARAJEVO - MAHALA CXXIX, na nekretninama u A listu označenim kao k.č.br 43 PRISTUPNI PUT, PRISTUPNI PUT površine 135 m², k.č.br 73 park, PARK površine 85 m² i k.č.br. 32 DVORIŠTE-PARKING, DVORIŠTE površine 290 m², dosadašnje vlasništvo prenosioca Zavod za izgradnju Kantona Sarajevo sa dijelom od 1/1, u korist GRAD SARAJEVO, ulica Hamdije Kreševljakovića broj 3, Sarajevo, sa 1/1 (stav 2).

Blagovremeno izjavljenom žalbom država BiH osporava pravilnost i zakonitost prvostepenog rješenja u stavu 1, s prijedlogom da ovaj sud žalbu uvaži i pobijano rješenje poništi smatrajući da država BiH ispunjava sve uvjete da bude uknjižena kao titular predmetnih nekretnina, kao i da je morala biti uključena u postupak radi zaštite svojih prava.

U odgovoru na žalbu predlagatelj osporava blagovremenost i dopuštenost iste, te u konačnom osporava žalbene navode ukazujući da je u trenutku zaključivanja ugovora o prenosu prava vlasništva i posjeda bez naknade vlasnik predmetne nekretnine bio Zavod za izgradnju Kantona Sarajevo sa dijelom 1/1, bez bilo kakvog upisa državnog vlasništva ili drugih tereta i upisa u korist trećih lica.

Ispitujući pobijano rješenje u smislu odredbi člana 221. i 236. Zakona o parničnom postupku¹ i člana 76. stav 3. Zakona o zemljišnim knjigama Federacije BiH², ovaj sud je odlučio kao u izreci iz sljedećih razloga:

Iz stanja spisa proizilazi da je predlagatelj dana 20.09.2022. godine podnio zahtjev za uknjižbu prava vlasništva na predmetnim nekretninama na osnovu otpravka izvornika Ugovora o prenosu prava vlasništva i posjeda bez naknade, obrađenog od strane notara Kapidžić Nedžad sa službenim

¹ Službene novine Federacije BiH, broj 53/03, 73/05, 19/06 i 98/15

² Službene novine Federacije BiH, broj 19/03 i 54/04

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
PRAVOBRANILAŠTVO

| | | | |
|--------------------------|-----------------------|------------|----------|
| PRIMLJENO: 02. 04. 2024. | | | |
| Registraciona oznaka | Klasifikaciona oznaka | Redni broj | Prilozak |
| | | | |

sjedištem u Sarajevu pod brojem: OPU-IP: 670/2022 od 10.08.2022 godine. Utvrđujući da se zahtjev slaže sa zemljišnom knjigom i da su ispunjeni uslovi za upis, prvostepeni sud je na osnovu odredbe člana 43. stav 1. Zakona o zemljišnim knjigama, dozvolio uknjižbu prava vlasništva.

Suprotno žalbenim navodima žalitelja, ovakva odluka prvostepenog suda je pravilna i na zakonu zasnovana.

Kod upisa prava u zemljišnoknjižnom postupku zemljišnoknjižni referent ispituje da li su ispunjene formalne pretpostavke da bi se predloženom upisu udovoljilo. Tom prilikom, a slijedom odredbe člana 42. Zakona o zemljišnim knjigama zemljišnoknjižni referent dužan je da utvrdi da li su podneseni potrebni dokumenti u propisanoj formi, da li su dokumenti (isprave) identični sa stanjem u zemljišnoj knjizi i da li postoji odobrenje, saglasnost osobe koja je u vrijeme podnošenja zahtjeva upisana u zemljišnu knjigu kao nosilac prava vlasništva. Prema priloženoj dokumentaciji uz zahtjev sve navedene pretpostavke bile su ispunjene, pa je zemljišnoknjižni referent donio pobijano rješenje kojim je zahtjev predlagatelja potpuno prihvatio i na osnovu koga je izvršen upis vlasništva u zemljišnu knjigu.

Uvidom u zemljišnoknjižni uložak broj 28. KO SP_SARAJEVO - MAHALA CXXIX, ovaj sud je u sjednici vijeća ponovo utvrdio da su nekretnine u A listu označene kao k.č.br. 78 UPRAVNE ZGRADE DPO, DVORIŠTE, UPRAVNA ZGRADA, površine 1065 m², DVORIŠTE površine 1048 m², ukupne površine 2113 m², u trenutku upisa prava vlasništva Grada Sarajeva bile upisane kao vlasništvo prenosioca Zavod za izgradnju Kantona Sarajevo sa dijelom od 1/1, uz zabilježbu da su predmetne nekretnine izuzete od nacionalizacije, što žalbene navode da se iste imaju smatrati vlasništvom države BiH čini bez osnova.

Svojsvo žalitelja kao zainteresovane osobe u smislu odredbe člana 76. Zakona o zemljišnim knjigama može se temeljiti na dokumentaciji dostavljenoj uz zahtjev, konkretno Ugovoru o prenosu prava raspolaganja bez naknade zaključenom dana 05. februara 1992. godine između Zavoda za izgradnju grada sarajeva i Grada Sarajeva, iz koga proizilazi da su predmetne nekretnine bile u društvenoj svojini, ali sud u ovom postupku nije ovlašten ispitivati način na koji je došlo do upisa promjene podataka o vlasniku u zemljišnoj knjizi. Provjera zahtjeva za upis vrši se prema stanju upisa u zemljišnoj knjizi u momentu podnošenja zahtjeva, pa kako je predlagatelj u trenutku podnošenja zahtjeva bio ovlašten da zahtjeva upis prava vlasništva i to na osnovu vidljivog pravnog osnova upisa, to nisu postojale smetnje koje bi zahtijevani upis spriječile.

Neosnovano žalitelj prigovara da mu je onemogućeno da učestvuje u predmetnom postupku, s obzirom da Zakonom o zemljišnim knjigama nije propisana obaveza dostavljanja zahtjeva za uknjižbu na izjašnjenje.

Suprotno navodima odgovora na žalbu, blagovremenost žalbe u konkretnom ima se cijeliti od dana dostavljanja pobijanog rješenja žalitelju, tj. od 23.01.2022. godine, pa kako je žalba dostavljena sudu dana 06.02.2023. godine to je ista blagovremena.

Obzirom na izloženo, kako ne stoje razlozi zbog kojih se prvostepeno rješenje pobija, kao ni razlozi na koje ovaj sud pazi po službenoj dužnosti, na osnovu odredbe člana 235. stav 1. tačka 2. Zakona o parničnom postupku, u vezi s članom 76. stav 3. Zakona o zemljišnim knjigama Federacije BiH, donesena je odluka kao u izreci.



Predsjednik vijeća
Sudija
Nada Seferović

potvrđuje

2

OVLAŠTENI RADNIK SUDA

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Zemljišnoknjižni ured / kancelarija /
Broj: 065-0-DN-22-045 131
Sarajevo, 26.03.2024. godine

Općinski sud u Sarajevu i to stručni saradnik za vođenje zemljišnih knjiga Emir Helić, rješavajući po Rješenju Kantonalnog suda u Sarajevu radi brisanja zabilježbe podnesene žalbe, a u skladu sa čl. 31. Zakona o zemljišnim knjigama ("Sl. Novine FBiH br. 19/03 i 54/04"), dana 26.03.2024. godine, donio je sljedeće:

RJEŠENJE

Na osnovu Rješenja Kantonalnog suda u Sarajevu broj: 09 0 Dn 043604 23 Gž od 14.03.2024. godine

Određuje se:

1. u koloni Upisi B lista zk.ul.br. 28 KO SP_SARAJEVO - MAHALA CXXIX, na nekretninama u A listu označenim kao k.č.br. 78 UPRAVNE ZGRADE DPO, DVORIŠTE; UPRAVNA ZGRADA površine 1065 m², DVORIŠTE površine 1048 m², ukupne površine 2113 m²,

2. u koloni Upisi B lista zk.ul.br. 126 KO SP_SARAJEVO - MAHALA CXXIX, na nekretninama u A listu označenim kao k.č.br. 43 PRISTUPNI PUT; PRISTUPNI PUT površine 135 m², k.č.br. 73 park; PARK površine 85 m² i k.č.br. 32 DVORIŠTE-PARKING; DVORIŠTE površine 290 m²,

vlasništvo GRAD SARAJEVO, ul. Hamdije Kreševljakovića broj 3, Sarajevo, sa 1/1,

- brisanje upisa zabilježbe podnesene žalbe predlagača Pravobranilaštva Bosne i Hercegovine izjavljene protiv Rješenja ovog suda broj: 065-0-DN-22-045 131 od 22.09.2022. godine.

Obrazloženje

Dana 20.09.2022. godine Zemljišnoknjižni ured ovog Suda zaprimio je zahtjev predlagača Grad Sarajevo, zastupan po Pravobranilaštvu Grada Sarajeva radi uknjižbe prava vlasništva na nekretninama upisanim u zk.ul. br. 28 i 126 KO SP_SARAJEVO - MAHALA CXXIX, bliže opisanim u dispozitivu rješenja, vlasništvo prenosioca Zavod za izgradnju Kantona Sarajevo sa dijelom od 1/1, a na osnovu opravka izvornika Ugovora o prenosu prava vlasništva i posjeda bez naknade, obrađenog od strane notara Kapidžić Nedžade sa službenim sjedištem u Sarajevu pod brojem: OPU-IP: 670/2022 od 10.08.2022. godine.

Dana 22.09.2022. godine ovaj Sud je donio Rješenje broj: 065-0-DN-22-045 131 na osnovu kojega je dozvoljena uknjižba prava vlasništva u koloni Upisi B lista zk.ul.br. 28 KO SP_SARAJEVO - MAHALA CXXIX, na nekretninama u A listu označenim kao k.č.br. 78 UPRAVNE ZGRADE DPO, DVORIŠTE; UPRAVNA ZGRADA površine 1065 m², DVORIŠTE površine 1048 m², ukupne površine 2113 m², i u koloni Upisi B lista zk.ul.br. 126 KO SP_SARAJEVO - MAHALA CXXIX, na nekretninama u A listu označenim kao k.č.br. 43 PRISTUPNI PUT; PRISTUPNI PUT površine 135 m², k.č.br. 73 park; PARK površine 85 m² i k.č.br. 32 DVORIŠTE-PARKING; DVORIŠTE površine 290 m², dosadašnje vlasništvo prenosioca Zavod za izgradnju Kantona Sarajevo sa dijelom od 1/1, u korist GRAD SARAJEVO, ul. Hamdije Kreševljakovića broj 3, Sarajevo, sa 1/1.

Dana 02.02.2023. godine zaprimljena je žalba predlagača Pravobranilaštva Bosne i Hercegovine izjavljena protiv Rješenja ovog suda broj: 065-0-DN-22-045 131 od 22.09.2022. godine, koja je prosljeđena Kantonalnom sudu u Sarajevu na dalje postupanje.

Dana 14.03.2024. godine Kantonalni sud u Sarajevu je donio Rješenje broj: 09 0 Dn 043604 23 Gž, kojim se žalba odbija kao neosnovana i provostepeno rješenje potvrđuje.

Iz gore navedenog, a u skladu sa čl. 43. stav 1. Zakona o zemljišnim knjigama Federacije BiH ("Službene novine Federacije BiH" br. 19/03 i 54/04) odlučeno je kao u dispozitivu ovog Rješenja.

POUKA O PRAVOM LIJEKU: Protiv ovog rješenja nije dozvoljena žalba.

Stručni saradnik za vođenje zemljišnih knjiga
Emir Helić



Dostaviti:

1. Pravobranilaštvo Bosne i Hercegovine, ul. Džemala Bijedića 3, Sarajevo
2. Grad Sarajevo - Pravobranilaštvo, ul. Hamdije Kreševljakovića br. 3, Sarajevo
3. Zavod za izgradnju Kantona Sarajevo, ul. Kaptol br. 3, Sarajevo
4. a/a